



Broj: 01/14-02-1946/23-1
Sarajevo, 21.07.2023.g.

Primljeno: 25-07-2023			
Org. jed.	Broj	Priloga	Vrijednost

PREDSTAVNIČKI DOM PARLAMENTA FEDERACIJE BiH

Dana 20.07.2023. godine održana je 6. sjednica Odbora za ekonomsku i finansijsku politiku Predstavničkog doma Parlamenta Federacije BiH (u daljem tekstu: Odbor). Sjednici Odbora prisustvovao je dovoljan broj članova, tako da su ispunjeni uslovi za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći

DNEVNI RED

1. Prijedlog Odluke o izmjenama i dopunama Budžeta Federacije BiH za 2023. godinu – hitni postupak,
2. Prijedlog Zakona o izmjenama i dopunama Zakona o izvršavanju Budžeta Federacije BiH za 2023. godinu – hitni postupak,
3. Prijedlog Zakona o izmjenama i dopunama Zakona o trezoru u Federaciji BiH – skraćeni postupak,
4. Dokument okvirnog Budžeta Federacije BiH za period 2024. – 2026. godina,
5. Izvještaj o zaduženju Federacije Bosne i Hercegovine po osnovu emisije (7Y) obveznica,
6. Kvartalni izvještaj o dugu Q1/2023,
7. Godišnji plan zaduživanja za 2023. godinu,
8. Zaključci Vlade FBiH o razmatranju Informaciji o održanom šestom sastanku Pododbora za trgovinu, industriju, carinu i oporezivanje između EU i BiH, a koju je Odbor zaprimio na znanje 15.06.2023. godine,
9. Zaključci Vlade FBiH o razmatranju Informaciji o održanom šestom sastanku Pododbora za unutrašnje tržište i konkurenciju uključujući zaštitu zdravlja i potrošača, a koju je Odbor zaprimio na znanje 15.06.2023. godine,
10. Razmatranje dopisa koji je na Odbor dostavilo Udruženje privrednika "Biznis centar" Jelah/Tešanj, od dana 21.06.2023. godine,
11. Informacija o osnivanju Ekonomskog kluba u Parlamentu FBiH
12. Razmatranje Urgencije koju su ponovno na Odbor dostavili Centri civilnih inicijativa (CCI), dana 17.07.2023. godine u vezi usvajanja zaključka kojim se traži od Vlade FBiH da uskladi Rebalans Budžeta FBiH za 2023. godinu i da



usvoji budžetski zahtjev Zavoda zdravstvenog osiguranja i reosiguranja FBiH za 2023. godinu,

13. Razmatranje Urgencije prema Vladi FBiH i traženje Izvještaja o realizaciji usvojenih zaključaka na Predstavničkom domu u vezi Agencije za privatizaciju FBiH.

Na osnovu člana 44. a u vezi sa članom 69. Poslovnika Predstavničkog doma Parlamenta Federacije BiH, Odbor podnosi sljedeći:

IZVJEŠTAJ

Ad-1.

Nakon uvodnog izlaganja predstavnika Federalnog ministarstva finansija, Odbor za ekonomsku i finansijsku politiku je obavio raspravu o Prijedlogu Odluke o izmjenama i dopunama Budžeta Federacije BiH za 2023. godinu po hitnom postupku i donio sljedeće zaključke:

ZAKLJUČAK 1

Odbor za ekonomsku i finansijsku politiku Predstavničkog doma Parlamenta Federacije BiH prihvata Prijedlog Odluke o izmjenama i dopunama Budžeta Federacije BiH za 2023. godinu po hitnom postupku i predlaže da ide u daljnju parlamentarnu proceduru.

ZAKLJUČAK 2

Odbor predlaže Vladi Federacije BiH da ne odustaje od Strategije obezbjeđivanja vlastitih prostorija za rad u Sarajevu i Mostaru.

ZAKLJUČAK 3

Odbor za ekonomsku i finansijsku politiku će organizirati Tematsku sjednicu na temu: „Kapacitiranje prihodovne strane Budžeta Federacije BiH“.

ZAKLJUČAK 4



Odbor za ekonomsku i finansijsku politiku traži od Federalnog ministarstva finansija da dostavlja na Odbor Kvartalni izvještaj o izvršenju Budžeta.

Ad-2.

Predstavnik Federalnog ministarstva finansija je upoznao Odbor sa dostavljenim Prijedlogom Zakona o izmjenama i dopunama Zakona o izvršavanju Budžeta Federacije BiH za 2023. godinu po hitnom postupku, nakon čega je Odbor obavio raspravu i usvojio sljedeći

ZAKLJUČAK

Odbor za ekonomsku i finansijsku politiku Predstavničkog doma Parlamenta Federacije BiH prihvata Prijedlog Zakona o izmjenama i dopunama Zakona o izvršavanju Budžeta Federacije BiH za 2023. godinu po hitnom postupku i smatra da može ići u daljnju parlamentarnu proceduru.

Ad-3.

Uvodno izlaganje dao je predstavnik Federalnog ministarstva finansija, Odbor je obavio raspravu, te jednoglasno donio sljedeći

ZAKLJUČAK

Odbor za ekonomsku i finansijsku politiku Predstavničkog doma Parlamenta Federacije BiH prihvata Prijedlog Zakona o izmjenama i dopunama Zakona o trezoru u Federaciji BiH po hitnom postupku i predlaže da ide u daljnju parlamentarnu proceduru.

Ad-4.

Odbor je detaljno razmotrio Dokument okvirnog Budžeta Federacije BiH za period 2024. – 2026. godina, te isti primio k znanju.

Ad-5.



Odbor je razmotrio Izvještaj o zaduženju Federacije Bosne i Hercegovine po osnovu emisije (7Y) obveznica, te jednoglasno donio sljedeći

ZAKLJUČAK

Odbor za ekonomsku i finansijsku politiku Predstavničkog doma Parlamenta Federacije BiH prihvata Izvještaj o zaduženju Federacije Bosne i Hercegovine po osnovu emisije (7Y) obveznica.

Ad-6.

Predstavnik Federalnog ministarstva finansija je upoznao Odbor sa dostavljenim Kvartalnim izvještajem o dugu Q1/2023, nakon čega je Odbor obavio raspravu i jednoglasno usvojio sljedeći

ZAKLJUČAK

Odbor za ekonomsku i finansijsku politiku Predstavničkog doma Parlamenta Federacije BiH prihvata Kvartalni izvještaj o dugu Q1/2023.

Ad-7.

Odbor je razmotrio Godišnji plan zaduživanja za 2023. godinu i jednoglasno donio sljedeći

ZAKLJUČAK

Odbor za ekonomsku i finansijsku politiku prihvata Godišnji plan zaduživanja za 2023. godinu.

Ad-8.

Odbor je zajedno sa predstavnikom Ureda Vlade Federacije BiH za evropske integracije razmotrio i primio k znanju Informaciju o održanom šestom sastanku Pododbora za trgovinu, industriju, carinu i oporezivanje između EU i BiH, a koju je Odbor zaprimio na znanje 15.06.2023. godine od Vlade Federacije BiH.



Ad-9.

Odbor je zajedno sa predstavnikom Ureda Vlade Federacije BiH za evropske integracije razmotrio i primio k znanju Informaciju o održanom šestom sastanku Pododbora za unutrašnje tržište i konkurenciju uključujući zaštitu zdravlja i potrošača, a koju je Odbor zaprimio na znanje 15.06.2023. godine od Vlade Federacije BiH.

Također, Odbor je po ovom pitanju jednoglasno usvojio i sljedeće zaključke:

ZAKLJUČAK 1

Odbor za ekonomsku i finansijsku politiku traži od četiri kantona: Sarajevo, Mostar, Bihać i Livno da pod hitno poduzmu mjere kako bi se prekinula diskriminatorna praksa da određene uvozne lijekove isključe sa lista lijekova koji se mogu propisati i izdavati na teret obaveznog zdravstvenog osiguranja.

ZAKLJUČAK 2

Odbor preporučuje Federalnim tijelima uprave da pristupe realizaciji zaključaka, odnosno preporuka Evropske komisije u skladu sa svojim obavezama.

Ad-10.

Uvodno izlaganje dali su predstavnici Udruženja privrednika "Biznis centar" Jelah/Tešanj i veoma detaljno upoznali Odbor sa dostavljenom predstavkom, nakon čega je Odbor obavio raspravu tokom koje su prisutni članovi Odbora iznijeli svoje prijedloge, primjedbe i sugestije, te jednoglasno usvojili sljedeće zaključke:

1. Odbor prihvata dostavljenu predstavku Udruženja privrednika "Biznis centar" Jelah/Tešanj.
2. Odbor će pod hitno održati Tematsku sjednicu na temu Funkcionisanje Komisije za vrijednosne papire i tržišta kapitala u Federaciji BiH.



3. Odbor prihvata ulogu pokušaja rješavanja problematike tržišta kapitala na području Federacije BiH.
4. Odbor traži od Komisije za vrijednosne papire da se izjasni, odnosno dostavi na Odbor pismeno izjašnjenje kako vidi situaciju i probleme na tržištu kapitala u Federaciji BiH.
5. Odbor će tražiti podršku i zaštitu od Međunarodne zajednice prilikom rješavanja ove problematike.

Ad-11.

Predsjednik Odbora je upoznao prisutne članove Odbora sa osnivanjem Ekonomskog kluba u Parlamentu Federacije BiH. Ekonomski klub je osnovan uz podršku NDI sa čim je poznato i rukovodstvo Predstavničkog doma i Doma naroda Parlamenta Federacije BiH. Ekonomski klub Parlamenta Federacije BiH čine zastupnici i zastupnice kao i delegati i delegatkinje Parlamenta Federacije BiH i ekonomski eksperti sa kojima je NDI saradivao na zborniku politika "Ekonomija u okovima politika". Ekonomski klub Parlamenta Federacije BiH će se baviti potencijalnim temama iz područja ekonomije.

Ad-12.

Odbor je ponovno razmotrio dopis odnosno Urgenciju koju su dostavili Centri civilnih inicijativa (CCI) u kojoj se traži od Vlade Federacije BiH usklađivanje Rebalansa Budžeta za 2023. godinu sa Zakonom o zdravstvenom osiguranju FBiH, kao i usvajanje i postupanje po jednoglasno usvojenom Zaključku Odbora (usvojenom na 3. sjednici Odbora, dana 14.3. 2023. godine) kojim se od Vlade FBiH tražilo da prilikom izrade Rebalansa Budžeta za 2023. godinu usvoji budžetski zahtjev Zavoda zdravstvenog osiguranja i reosiguranja Federacije BiH za 2023. godinu, odnosno da osigura dodatna finansijska sredstva za rad Fonda solidarnosti FBiH kako bi se ukinule postojeće liste čekanja. Odbor je 12.5.2023. godine navedeni Zaključak uputio Vladi FBiH na izjašnjenje te do današnjeg dana Odbor nije dobio izjašnjenje od Vlade FBiH.

Primjetno je da Vlada FBiH nije prepoznala značaj teme i nije učinila iskorak kako bi riješila problem finansiranja rada Fonda solidarnosti FBiH, jer je za potrebe rada Fonda solidarnosti FBiH u 2024. godini predvidjela 40 miliona KM, što predstavlja samo 20 posto od propisane zakonske obaveze (Zakon o zdravstvenom



osiguranju FBiH), a što je također u suprotnosti sa Zaključkom Odbora za ekonomsku i finansijsku politiku od 14.3.2023. godine.

Zbog svega navedenog, ovim putem Vas pozivamo da se Predstavnički dom Parlamenta Federacije BiH na 4. redovnoj sjednici, zakazanoj za 25.7.2023. godine, prilikom razmatranja Rebalansa Budžeta FBiH za 2023. godinu i Dokumenta okvirnog Budžeta FBiH za period 2024.-2026. godina, izjasni o jednoglasno usvojenim zaključcima Odbora, a koji glase:

- 1. Odbor za ekonomsku i finansijsku politiku Predstavničkog doma Parlamenta Federacije BiH traži od Parlamenta Federacije BiH da zaduži Vladu FBiH da prilikom Rebalansa Budžeta Federacije BiH za 2023. godinu izdvoji finansijska sredstva za potrebe finansiranja Fonda solidarnosti Federacije BiH u skladu s Finansijskim planom Zavoda zdravstvenog osiguranja i reosiguranja Federacije BiH za 2023. godinu, čime će se omogućiti ukidanje postojećih lista čekanja za najteže oboljele pacijente u Federaciji BiH.**
- 2. Predlaže se Parlamentu Federacije BiH da zaduži Vladu Federacije BiH da prilikom kreiranja Dokumenta okvirnog Budžeta FBiH za 2024.-2026. godinu i Budžeta Federacije BiH za 2024. godinu uskladi svoju obavezu za finansiranje rada Fonda solidarnosti s odredbama Zakona o zdravstvenom osiguranju FBiH ("Službene novine Federacije BiH", br. 30/97, 7/02, 70/08, 48/11, 36/18 i 61/22).**

Ad-13.

Odbor je razmotrio Urgenciju u vezi Agencije za privatizaciju u Federaciji BiH, a koja se odnosi na usvojene zaključke Odbora, koje je Predstavnički dom Parlamenta Federacije BiH usvojio na 3. redovnoj sjednici Predstavničkog doma Parlamenta Federacije BiH održanoj 06.07.2023. godine i jednoglasno podržao sljedeći

ZAKLJUČAK



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

Odbor šalje Urgenciju Vladi Federacije BiH da pristupi realizaciji usvojenih zaključaka i da na Odbor dostavi Izvještaj o realizaciji usvojenih zaključaka koji se tiču rješavanja problematike u Agenciji za privatizaciju FBiH.

Za izvjestioca Odbora određen je Aner Žuljević, zamjenik predsjednika Odbora za ekonomsku i finansijsku politiku.

ZAMJENIK PREDSJEDNIKA ODBORA

Aner Žuljević, s.r.